



ЛЕНИНЭНЬ КИЯВА

ВЛКСМ-нь Мордовской обкомонть ды Саранск ошонь комитетэнь газетаст

1941 ие
М А Е Н Ь
14-це чи
53 (1349) №

ЛИСИ: 11-це ие,
12 № ковс

Школасо проверочной испытаниятнеде икеле

Кадовсь ансяк вейке недля школа-со проверочной испытаниятне ушодовомаст самс. Те карми улеме экзамен весе тонавтницятнеень, преподавательтнеень, школань директортнеень ды народной образованиянь органдне роботниктнеень. Те карми улеме экзаменэкс школьной комсомольской ды пионерской организациатнееньгак. Проверочной испытаниятне невтсызь эрва школань иень роботанзо, невтсызь сень, кода учительтне, школьной пионерской ды комсомольской организациатне организавизь школьниктне знаятнесэ томкасто овладениянь туртов ды кода тонавтницятне сынс бородасть отличной успеваемостень кис.

Самай секс масторонь весе школатнесэ ней моли деятельной анокстамо испытаниятне ушодомантень. Вадрясто анокстыть минек республикангак ламо школат. Пек покш мельшколатнесэ неень шкастонть явить ютазь материалонь повторениянь лангс. Ды те чарьковедияк. Ведь ютазь материалонь повторениянь эсь шкасто ды вадрясто аравтоманть пек покш значениязо испытаниятне видестэ молема-сонть.

Испытаниятне самс кадовике читнестэ эрви весе школьной ды внешкольной роботанть ладямс истя, штобу эрва тонавтницясь улевель парсте анокстазь сынст максомо. Башка мель эрви явомс лавшосто тонавтницятне лексэнь организовамонть лангс. Тень коряс парсте ашти тевес Саранск ошонь 1-це № средней школосонть. Тесэ лавшосто тонавтницятнеень максуть лексэ отличниктне, преподавательтне ютавнить мартост дополнительной занятия, консультация. Прок вадри примерэкс можна невтемс Покш Маризь велень средней школанть (Чамзинской район). Тонавтницятне путыть весе виест сень, штобу весеме ёндо аноккс самс испытаниятнеень, максомс сынст парсте ды отличнасто, лездыть вейкест-вейкест туртов ютазь материалонь повторениясонть. Учителтне эрва чистэ урокто мейле ютавнить консультацию, лездыть седе парсте усвоить весе материалтнеень, толковать стака, а чарьковедикс вопростань.

Школьной комсомольской организациатнеень, эрва группоргонтень ды пионервожатоеонтень, классонь старостантень эрви добовамс сень, штобу эрва школьникс тонадоволь эсь пряно парсте организовамо, штобу сон видестэ ютавоволь эсензэ шанзо. Чарьковеди, што неень шкастонть а эрви загружать эйкакштне общественной роботасо, а кирдтнеме сынст кувать эрва кодамо собрания ды заседаниясо. Теомс эрва тонавтницятне истят условия, штобу сон мог отличнасто максоме испытаниятнеень.

Теньсэ школадонть башка пек покш роль налксить тонавтницятне тетят-аваст. Ведь школьниктне знаят ламодо зависат сеньсэ, кода сынст воспитывают кудосо, кода лездыть сынст тетят-аваст тонавтнеме ды культурной, трудонь вечкиня ломанькс касомо.

Тонавтниця ялгат! Вастемнек сыця испытаниятнеень вадрясто анокстазь ды отличной оценька мартэ придсннек тонавтнема ленть.



Мордовской государственной селекционной станции совхозонть паксятне-сэ (Саранской район).

СНИМКАСОНТЬ: комсомолецэ С. Я. Адушкин изы сёксень сокавт мода. Фотось Б. Козловонь.

Минек республикань паксятнесэ

Выработкань норматне топавтнить велькса

Организованнойсэ моли тунда виде-мась Шугурова велень Калинин лемсэ колхозсонть. Звенатнеень, бригадатнеень ды башка колхозниктнеень ютксо организоваз социалистической соревнования. Соревнованиянь результатнеень проверякшны эрва чистэ.

Паксясо весе роботыцятне велькса топавтнить выработкань норматнеень. Примеркс, васенце бригадасонть вид-цятне И. Колесников ды Н. Калейкин ялгатне 4 гектартне таркас видить 5—6 гектарт. Колесников ялгась 1,25 гектаронь таркас эрва чистэ плугсо сокакшны 2—2,5 гектарт. Комсомо-лецэ И. Панькин ялгась плугсо сокамс-

то выработкань норманзо топавтни 125 процентс.

Обедамо шкасто комсомолецне-агитатортне С. Аношкин, А. Зорькин ялгатне ды лия комсомолецне колхозниктнеень ютксо ютавнить беседат, ловно-кшны газетат.

Бригадатнева регулярна лиснить стенной газетат, конатнесэ невтневи сех парсте роботыцятне опытэст. Стенгазетатнесэ истяжо сёрмадыть асаткестнеде, конат улить тунда виде-машкань роботатнеень ютавомасонть, критиковить беряньсэ роботыцятнеень.

Ф. Пивкин.

Б.-Березниковской р-н.

Сабаева велень колхозтне

Колмо колхозт Сабаева велесэ. Эр-вась сынст эйстэ бажы улемс сехте вадрякс, икеле молицякс. Весе хозяй-ственно-политической кампаниятнеень, весе роботатнеень ютавомсто колмонест колхозтне соревнуютсэ эсь ютковаст. Эрва кодамо тевсэ колхозтне бажить икельдымс вейкест-вейкест. Истя уль-несь тунда видема шквантень анокста-стояк. Истя ашти тевес нейгак, зар-до ушодовсть паксясо роботатне.

Паксянь роботатне сех икеле—апрелень 26-це чистэ—ушодынзе Киров лемсэ колхозосэ. Сень лангс атак вано, што пек сеетсэ эрсит пиземеть, ро-ботатне молит парсте. Маень 6-це чинть самс соказель весновсашка 166,45 гектар, изазель 147,40 гектар, видебель 34 гектардо ламо пинеме ды теезель зарья лия роботат.

Ленин лемсэ колхозосэ паксяв лиссь

апрелень 30-це чистэ. Роботань ва-сень 7 чинть перть теезель весновс-пашка 76 гектар, изазель 59,5 гектар, видебель 20 гектар пинеме. Теезь зар-ья лия роботат.

Сех мейле видема ушодовсь Куй-бышев лемсэ колхозонь паксятнесэ—маень 2-це чистэнь. Тень лангс атак вано, маень 6-це чинть самс сонзэ по-казателензэ ульнесь лия 2 колхозт-неде аволь берять.

Колмонест колхозтнезэ колхозниктне велькса топавтнить выработкань нор-матнеень. Ф. Вербайкин, М. Четайкин, П. Трошин, Я. Аверкин, Ф. Трякин, Р. Ваньков ды лия эрва чистэ 1 гек-таронь таркас плугсо сокить 1,5 гек-тарт.

Ф. Четайкин.

Кочкуровской р-н.

Видемась моли дружнасто

Дружнасто моли тунда видемань ко-ркс роботас Чукало велень «Путь Ильича» колхозсонть.

Сокамосэ колхозсонть ушодовсь маень 3-це чистэ, видема маень 7-це чи-стэ. Васень читнестэ ульнесь видезь 24 гектар товзюро, 7,9 гектарт пинеме, 3,5 гектарт тикшеск вика. Видеманть туртов модань анокстамос ютавтневи

успешнасто ды паро качества мартэ.

Ульнесь яровизировазь 236 центнер товзюро, 100 центнер пинеме. Теезь 100 гектар лангсо озимень подкормка. Путозь 50 квадратной метра помидо-ронь росада ды 1300 квадратной метра махоркань росада.

Н. Базайкин.

Ардатовской р-н.

Комсомолецт, лиседе велесэ культуранть ды ваньксчинть кис походс!

Велесэ культуранть кис

Шугурова велень комсомолецтне эсь собраниясо толковизь Ромодановской районень Михайловка велень «Свобода» колхозонь комсомолецтнеень ды од ломатне сёрмаст ды включились велесэ культуранть кис бородамонть.

Сынть ульцятнева тейсть довш убор-ка, урядызь весе навозонть, эрва ко-дамо мусоронть ды хламонть. Ветить ро-бота озеленениянь коряс. Эрва комсо-молецтне кудонзо икеле кармить уле-ме путозь чувтт. Тедэ башка комсо-молецтне добираются сень, штобу весе колхозниктне кудост икеле карма-вольть касомо чувтт.

Аволь аламо уш теезь общественной организациатнесэ ды эсь кудотнесэ ваньксчинь аравтоманть коряскак.

Ф. Пивкин.

Б.-Березниковской р-н.

Тосо, косо арась инициатива...

«Ленинэнь киява» газетасо печата-зель Ромодановской районень Михай-ловка велень «Свобода» колхозонь ком-сомолецтнеень ды од ломатне сёрмаст, конаньсэ сын сёрмадсть седе, што ушодсть эсь велесэст, общественной уч-реждениятнесэ, эсь кудосост культу-ранть ды ваньксчинть кис поход ды тердсть Мордовиянь весе комсомолец-тнеень ды од ломатне истяжо кармаме бородамо велесэ культуранть ды вань-ксчинть кис.

Минек районсо зарья колхозонь ком-сомольской организациат подхватили «Свобода» колхозонь комсомолецтнеень инициативаст. Покш Маризь велень комсомольской организациань секретар-сэ П. Кемайкин ялгась жо натоь эзизе лово эрвиксэкс толковамс сёр-манть комсомольской собраниясо ды ушодомс поход колхозной велесэ куль-туранть кис.

Сонсензэ Кемайкин ялганть кудонзо перька аштить ёртнезь навоз, кемень-шка куця куловт, торф ды лият. Пек покш захламенность ловнома кудо-сонть ды сонзэ перька. Икелензэ уль-несь вадря сад, ней жо сон а маштови, весе чувтне синтрезь, порнезь. А ведь бути улевель теезь пирявкс, садос аволь ёма.

Велесэнь улить зарья лисмат, ко-натне верьга срубосткак арась. Чо-пода вене ютасто можна атак фатя тов прамс. Сеть лисматнесэ, косто сайнить ведь, арась вельтывкст ды кой-конатнесэ—арасть общей ведрат.

Пек ламо тев комсомолецтнеень ве-лесэ культурань, ваньксчинь, порядо-конь кис бородамсонть. Эрви ансяк проявить инициатива. А вот инициати-васт Покш Маризь велень комсомолецт-неень самай арась.

П. Букин.

Чамзинской р-н.



Саранской 12-це № средней школань тонавниятне парсте анокстыть проверочной испытаниятненень.

СНИМКАСОНТЬ: (Керш ёндо витев) школань сех вадря отличниктне М. Детцова, М. Алексина, Н. Зуйкова, С. Пятайкина ды Ю. Рыскин. Фотось Б. Козловонь.

Испытаниятненень анокстыть вадрясто

Саранск ошонь 1-це № средней школань тонавниятне вадрясто анокстыть тундонь испытаниятненень. Дирекциясь аволь умок ютавсь тонавниятненень общей собрания, косо ванкшно-зель наркомпросонть программозо, класкнава ютавтозель беседат кода седе вадрясто анокстамс испытаниятненень, кода роботамс материалонь повторениянт лангсо.

Покш работа ютавтоз кабинетнень оборудованьят коряскак. Парсте пурназь географиянь, химиянь, физикань ды анатомиянь кабинетнэ. Тесэ стениатнева понгавтнезь таблица, геогра-

фической картат, анокстазь опытнень тейнеме эривикс приборт.

Класкнава иень тонавнемань программась малав прыдовсь. Ней весе тонавниятне повторяют ютазь материалонть. Организовазь лексе лавшосто тонавниятненень. Преподавательтне ютавтият мартост дополнительной занятия, консультации.

Школань весе класкнава регулярна лиснить стенгазетат, косо эрсить печатазь пек ламо материал проверочной испытаниятненень анокстамонть.

Н. Иванов.

Саранск.

ЧТЕЦНЭ ДЫ АГИТАТОРНЭ ПАКСЯСО

Кевейкее чтец ды агитатор роботыть «Якстере сокиця» колхозонь паксятнесэ видема шкастонть. Сынст ютксо секте вадрятне клубонь заведующее Д. М. Иркаев, колхозниктне С. П. Тараскин, Д. К. Тараскин, колхозницат-

не А. Ф. Михалкина ды М. Ф. Князькова.

Чтецнэ ды агитаторнэ ловныть колхозниктненень газетат, ютавтият беседат, тейнить докладт.

Тумаев.

Ромодановской район.

ШОЛОМ-АЛЕЙХЕМ

(Куломадонзо мейле 25 иень топодемантень)

Чуросто можна вастоме писатель, кона бу истя пек арсевель эсь народонть судьбадонзо, истя бу содавлize весе сонзэ рисксэнзэ ды истя бу эриволь сонзэ кемематнесэ, кода народной писателесь Шолом-Алейхем. Художникесь ды сонзэ творениянь героес истя кеместэ вейсэндявозь, што лиясто натой стака содамс, косо прыдовкшны писателесь ды косо ушодовкшны народонть ютксо сонзэ героес.

Шолом-Алейхемь народностез ашти васняк сонзэ общественной гуманизмсонть—угнетеннойтненень седей марямсонть, трудонь ломатненень вечкемасонть, ломанень личностентень вниманиясонть. Народностеза сенсэ, што сон маштыль народонть ютксо саемс сонзэ ламо ды покш мудрость, гениальной се юморсонть, конань великой Горький ловизе «печальнойкс ды сердечнойкс».

Шолом-Алейхем чачсь 1859 иестэ апокике местечкасо Украинясо. «Ярморкасто» эсь автобиографической повестьсэнь ды зярый ёвнемасо невтизе безрадостной эйкакшке шканзо, икелень царской Россиясонть бедной ломанень эйкакштнень сәпей од шкаст.

Шолом, истя жо, кода еврейской беднотань весе эйкакштне сестэ, началь-

ной воспитания получаь религиозной училищасо («хедерасо») меламендэнь (учителень) кёдсэ, конань Шолом-Алейхем мейле невтизе «Меламенд Боаз» ёвнемасонзо. Те меламендэсь масторонть лангсо секте покш грехек ловсь пейдеманть. «Боазанень пейдемась,—сёрмады Шолом-Алейхем,—секте а паротев. Боаз сонсь весе эрямонзо перть зярдож эзь пейде ды пек а вечки, зярдо пейдить лиятне».

Вана самая пейдемань а вечкиня те «педагогонть» кельсэ тонавтнесь величайшей юмористэсь, еврейской литературань классикесь, писателесь, кона эсь живой пейдемасонзо тейниль покш радость ломатненень, еврейской беднотань лепштызь ды покордазь массатненень кармавтыль кемеме икелепелень валдо эрямос.

Куроксто Шолом-Алейхемнень савсь менемс религиозной хедерстанть. Сон кармаь тонавнемэ ошонь русской школасо, конань колмо иень ютазь прыдазе прок отличной тонавниця.

Теде мейле аволь ламо шкань ютазь сон тусь эсест кудосто.

Тетянзо-аванзо арсекшнесь, што сонзэ эйстэ лиси раввин или меламенд. Арась, истямокс сон эзь карма улеме. Покш, чуткой седеес, выдающейс та-

Наркоминделсэ СССР-нть ды Ираконт ютксо отношениятнеде

1940 иень прыдовомсто Ираконт правительство Турциясо эсензэ посланниконт вельде аволь вест тейнесь СССР-нь Правительстванть предложения аравтомс дипломатической отношения СССР-нть ды Ираконт ютксо. Тень пингстэ Иракской правительствась ёвтнесь бажамонзо, штобу Советской Правительствась, дипломатической отношениятненень аравтоманть марто ве шкасто, публиковаволь декларация арабской мастортнень, тень ютксо Ираконт—как независимостест признаниядонть. СССР-нь Правительствась, кона ловсь вадрякс СССР-нть ды Ираконт ютксо дипломатической отношениятненень аравтомадо предложенианть, эзизе лово, яла теке, возможнойкс обусловить те вопросонть кодамояк декларациянь публи-

ковамосо. Истямо ладсо сестэ ульнесь максозь ответ иракской правительстванть, мезенть кувалма сезевсь переговортнэж.

Те иень маень 3-це чистэ иракской правительствась Анкарасо советской посолонт вельде таго тейсь предложения аравтомс дипломатической отношения СССР-нть ды Ираконт ютксо, тень пингстэ дипломатической отношениятненень аравтоманть а сюлмакшномс кодамояк условиясо, арабской мастортнеде декларациянь кондымосо.

СССР-нь Правительствась саинзе эсензэ возражениянзо ды примизе иракской правительстванть предложенианзо дипломатической отношениятненень аравтоманть.

Московсо армянской литературань декадась

Вечер В. И. Ленин лемсэ библиотекасонть

Армянской литературань декадань вечертнэ Московсо ютыть пек покш успех марто. Армениянь ламо пингень литературанть марто знакоматся столандань населениянь эрва кодат слойтне. В. И. Ленин лемсэ СССР-нь Государственной библиотекасонть маень 12-це чистэ ульнесь декадань колмоце вечер. Пуромостне лембестэ приветствовизь армянской поэзиянь, прозань ды драматургиянь старшей поколениянь представителтнень ды талантливой одломатненень—декадань участниктнень.

Вступительной валсонзо библиоте-кань директорось Яковлев ялгась ёвтнесь пек покш интересанть, конань

невтить московской ловныцятне армянской литературанть.

Армянской литературанть исторической обзор тейсь филологической наукатненень кандидатось Сурен Арутюнян. Теде мейле ловныцятне-переводчиктне ёвтнесь кунсолыцятненень армянской литературань классиктнень ды неень шкань писателтнень—декадань участниктнень творчестводот.

Чокшнентень В. И. Ленин лемсэ библиотекась организовась специальной выставка. Покш тарка сонзэ эйсэ зани разделась «Армянской литературась СССР-нь народтнэнь кельтнесэ».

АГИТБРИГАДА

Тунда видемань шкастонть Ромодановской районь Соцкультурань кудось кучсь паксав агитбригада, кона обслужит районь зярый колхозт.

Агитбригаданть программасонзо вейке актсо пьесат, частушкат, музыкальной номерт, народной морот.

„КАРМЕЛЮК“ ФИЛЬМАСЬ ЧУКАЛОСО

Нет чистнэ Ардатовской районь Чукало велесэ невтезель «Кармелюк» кинокартинась.

Фильманть ваномо пурнавкшнось малав 600 ломань—колхозникт, одломать, тонавният.

«Кармелюк» кинокартинась ванозель

покш внимания марто. Колхозниктненень сон лентни сеть шкатнеде, зярдо угнетенной народось бороцась олячинь ды вадря эрямонь кис.

Н. Базайкин.

Ардатовской р.н.

лантось, пшти наблюдательностесь ды юморось Шолом-Алейхемь везизь литературанть.

1883 иестэ печатазель «Кавто кевть» сонзэ васень ёвнемасо. Ды теде мейле 33 иень перть сон сёрмадсь.

Шолом-Алейхем парсте невтизе царской Россиясонть еврейской народонь келей массатненень трагедият. Сон невтизе «коштонь ломанень» трагической положенианзо, кона ломанесь сеть шкатнестэ весе вийсэ, эрва кода снартнесь ванстомс эсь прынзо нишейксиденть ды ёмамодонть, арсекшнесь лиянь сюпавчитнеде ды кудось вачочиде ды нужасо.

Сон невтеь истямо тип, кодамо Менахем-Менделя, кона кармаь улеме «счасиянь вешницянь» нарицательной лемекс.

«Комивояжоронь запискат» сонзэ книгась аволь ансяк кадовсь еврейской классической литературанть пек вадря художественной произведениякс, но сон ашти царской Россиясонть еврейтненень эрямодот исторической ды обличительной документакс.

Шолом-Алейхем сёрмадсь жизнерадостной еврейской ремесленниктнедеяк—эрва кодат Шимеле Сорокертнеде ды сынст веселой ды славной подмастерьятнеде, кодат Мотеля ды Коппеля. Сын, трудонь неть бодрой ломатне, Шолом-Алейхемнень ульнесь юморонь ды сатирав покш источниккс, сынст нев-

тезь можнать пеелемс местечковой сюпавтненень, сынст лыстивой приспешниктненень ды лиятнень.

Шолом-Алейхем сёрмадсь роман 1905 иень революциядонть—«Потоп». Сонзэ основной произведениякс ашти «Тевье-молочник» вешась, конаньсэ сон пек покш рискэнт невтеманзо марто вешкане невтеь покш кемема, што зярдо а зярдо карми улеме седе паро эрямо. Тевье—народонть олицетворения. Народось жо а истожавия. Тевье аволь ансяк атак машто, но сон пек кеми сенень, што сыть седе вадря шкат.

Шолом-Алейхем кулось Нью Йорксо 1916 иестэ маень 13-це чистэ. Кулось Америкасо, ков сонзэ панизь царской преследованиятне ды погромтне. Но еще, зярдо эрясь Россиясо, 1914 иестэ вейке газетань сотрудник марто кортнемстэ Шолом-Алейхем мерсь:

—Минек народонть икелепелень эрямомо самая тесэ, те масторсонть, конаньсэ минь эрятане. Стака шкатне ютыть, раужо пельтне срадыть, менелесь валдомгады.

Комсветее иеде икеле Шолом-Алейхемь произведенийанзо ловныль лепштызь, обездоленной народ, ней жо сонзэ произведенийанзо ловны счастливой еврейской народось. Шолом-Алейхемнень произведенийанзо ловныть лия национальностень ломатьяк.

Перец Маркиш.

Паксясо большевистской агитациянтъ кис

Ичалковской районной колхознэсэ тунда видема шкастонть парсте аравтозъ агитационно-массовой роботасэ. Сех ламо агитаторнэ эрва чистэ яксит паксяв, колхозниктнень ютксо ютавнтнэ беседат, ловнокшннэ газетат.

Агитколлективень руководителне Колейникова, Куликов, Сидоров ды лия ялгатне агитатортнэнь кемекстызь бригадава ды звенава, эрва бригадантнэ кемекстат ответственноить стенгазетань полдамонть кис.

Агитаторсь Белянина ялгась (Перемеева веле) ютавтсь паксясо роботатнень ушодомань васень читнэстэ колмо беседат ды кавксты ловнось газетат. Ширяев ялгась Володарский лемсэ колхозонь омбоне бригадасонть полдтнэ стенной газетат. Колхозниктнень ютксо ловнокшннэ газетат ды ютавнтнэ беседат «Красный восток» колхозонь комсомольской организациянь секретарсь Рангаев ялгась ды Селища веле колхозсо комсомолецсь Бухаров ялгась.

Но агитационно-массовой роботань ветямосонть улит асатыкстак. Лиясто ютавнтнэ беседатнэсэ агитатортнэ а маштыть заинтересовать колхозниктнень. Беседатне эрсит коськт, аволь живыйть ды аволь пек содержательнойть. Кой-кона агитатортнэ беряньстэ анок-

стапннэ беседатнень. Примеркс, аволь умок Пермеева веле колхозниктнень ютксо Шаланова ялгась ютавтсь кавто беседат партийной XVIII-це конференциясонть Вознесенский ялганть докладонзо коряс. Беседатонть мейле колхозниктне кевкстизь Шаланова ялганть: мезень кис минек масторсь карми бороцям 1941 цестэ? Шаланова ялгась эзь отвечаю. Ульнэстнэ кондят лия случайткак. Беседатнень истя формально ютавнемась а максы кодамояк лезэ. Миненек эряви большевистской паро, виев агитация, истямо, кона улелель доходчивой ды интересной, истямо, кона колхозниктнень мобилизоваднэ бу тунда видеманть эсь шкасто ды паро качества марто ютавтоманть.

Кой-кона колхознэсэ агитационно-массовой роботасэ аравтозъ беряньстэ. Болдасевской ды Ичалковской МТС-нь тракторной бригадатнэсэ арасть газетат, журналт ды книгат. Арасть тосо агитаторткак. Политчасть коряс директортнэнь заместительтнень Прончатов ды Ульянов ялгатнень эряви нейке жо явомс агитаторт тракторной бригадатнэс.

Ф. Сарайкин,

ВКП(б)-нь Ичалковской райкомонь пропагандист.



Сёрма вейке переводчикнень

Приветствован эйсэть, вечкевикс другом ды тонь лицасо весе переводчиктнень языкостроениянь ды порядкас ладямонь областсэ тынк деятельности итотгнень подведениянь чистэнт!

Соревнованиянь лангс нежедезь, тон развил ды обосновал переводонь искусствань сеть принциптнень, конат ульнэст сеск подхваченнойть ды одобреннойть тонь верной последовательтнень ёндо. Сеть принциптнень непобедимостезэст кемемась, конат теисть сокрушительной вачкодксь живой келень весе устойтнень ланга, всемерна касы ды крепави. Тонь соратниктнень усилияст пингстэ эрзянь народсь теке марто ве шкасто мимоходом путсь пе переведенной книгатнень непонятностест туртов.

Развивая ды конкретизируя седе тов тынк методтнэнь, вопреки ловныцянэнь желанияизост, минь обязаннойдано трезвойстэ ды объективнойстэ ваномс икелев ды должны улемс сеть задачатнень уловенест лангсо, конатнень выд-

вигает исторической необходимостес.

Кемдяно, што эсест собственной судьбаст определениянь туртов правань завоёвамо шкастонть, тынк просветительной методтнэ восторжествуют Мордовиянь келес ды обеспечат пешккс гарантия культурань касоманть. Тонь марто соответствия лингвистикань наукась ды главной ладсо эрзянь келень учениясь пополняется глубокойстэ невтезь од победасо. Тынк перанть принадлежашей открытиясэ эсензэ существасонзо ашти истямо тевекс, конадонть мечтал народсь, секс увереннойдано, што тонь приверженецтнэ, дорогой другом, верень меельце петлявксес кармить защищать начатой тевенть.

Мезе касается сенень, штобу тынк начинаниянтнень ды деятельностентнень создать необходимой условият, то можете улемс полной уверенностсэ, што монь зренинянь точкасто кой-кона газетатне ды издательстватне неть условиятнень создадут ды особенно, бути народсь карми тень терпеть.

Привет марто К. Демин.

Од секретарсь вадрясто аравтызе тевенть

Жданкин ялганть весе ловсть республиканской колхозной школасонть сехте пек аволь дисциплинированноекс. А ведь сон ульнэс комсомольской комитетань секретарекс. Собраният ютавнтнэ чуросто, кавто-колмо ковс весть. Комсомолетнэнь эйстэ ульнэс овси сезевезь. А содыль, кие кода тонавтни.

Аволь умок комсомольской собраниясо сонзэ каизь секретарьстэ ды качкизь Атвдов ялганть. Комитетань од секретарсь сеске жо кундась тевс. Тейсь комсомольской организациянь роботамонь план. Регулярно эрсит ней собраният. Атвдов ялганть инициативанзо коряс весе класстнэс кармасть роботамо ПВХО-нь ды ГСО-нь кружокт. Тонавтницятнень ютксо организованно эрсит газетань ловномат.

Но улит еще зярря асатыкстак комсомольской роботасонть. Васняк эряви тешкстамс сень, што организациясь беряньстэ касы. Школасонть улит зярря пек паро од ломать, тонавнемань отличникть. Сынь достойнойть улемс ВЛКСМ-нь рядтнэсэ. Но

комсомолецтнэ кодамояк работа а вестить аволь союзной од ломатнень ютксо, сех партнэнь а анокстыть ВЛКСМ-нь рядтнэс совамо.

Улит истят комсомолецт, конат сеестэ тейнить прогулт, а якить школав (Молина, Новичкова ды лият). Неть комсомолецтнэнь марто вестькак эзь кортне сень коряс, штобу сын кепедевалз эсь дисциплинаст, посещаемостест.

Эряви кемемс, што комитетань од секретарсь, активенть лездомонзо марто, витьсынзе весе асатыкстнэнь ды седеяк парсте аравтсь весе комсомольской роботанть.

И. Щеглов.

Ст.-Шайговской р-н.

Стихть природадо ды ковдо, вечкемадо ды цёковдо

(Или романтикань пиллюля)

I
Ковось тужа кискакс ардсь
Сэнь менеленть пандо ланга,
Тештне ревекс совасть кардс
Сельмень кончезь, пильгень янгазь.

II
Лёша вадяшни конянтъ,
Конась келей пачалгошка.
— Люся, вадря ли тонять?
— Счастьям марот—слень лукошка!

III
«Чиль-виль-ви!»—серьгедсь цёков
(Челевесь кадовсь удалов),

Вансак шуба орчась ков—
Тештне менельс таго валовсть.

IV
Косто-бути варма сась,
Садось сюконясь варманть.
Тарстесь седейтнень скирясь,
Сон колась вечкемань танстенть.

V
Паряк паласть, паряк эзь,
Но кавонест сыргасть кудов;
Зоря марто сын ульнэст
Трактор лангсо атак удо.

Д. Копедский.

Кода кочкамс лекарственной тикшеть

Зярря пек питней лекарственной тикшеть ды пеят касыть лугава, вирьга, паксява. Сынт эйстэ аволь аламо эрсит сорняктнень юткостак. Лекарственной сырян пурнамось—пек важной, эрживкс тев. Те роботанть успех марто могут теэмс пионертнэ ды школьниктне.

Лекарственной тикшетне ды пеятне эрживть минек медицинанть. Сынт эйсь улит истят веществат, конатне эрживть надобиякс. Неть веществатне веенст тикшетнэсэ ды пеятнэсэ аштит лопатнэсэ, кой-конатнень жо—цветсэст или жо видмесэст, плодтнэсэ, корёносэ.

Эряви содамс, што лекарственной растениятнень ютксо ламо улит ядовитойть. Секс сынст кочкамсто эряви улемс седе осторожнойкс.

Лекарственной тикшетнень ды пеятнень кочкакшномс маней шкане, зярдо сынст лангсто косксь росась или пиземе петнякстнэ. Начкотнень кувать савкшны костнемс ды костямонть пингстэ сын раужкалить.

Растениятнэсэ аволь весе шканть перть вейкетсэ эрсит лекарственной веществат: кой-зардо седе ламо, кой-зардо аламо. Секс кочкамс сынст эржив сестэ, зярдо сынст эйсь сех ламо эрсит лекарственной веществат.

Лопатнень кочкамс растениянь цветамонзо икеле или цветямо шкастонть. Цветнэнь эйсь лекарственной веществат сех ламо эрсит цветямо шкастонть, секс сынст эржив кочкамскак сестэ, кодак ансяк цветнэ появиться. Корёнтнэнь кочкамс сёксня, лопатнень певеремадонть мейле или рана тунда, касоманть ушодовомадо икеле. Корёнтнэсэ ды луковичатнэсэ лекарственной веществат сех ламо эрсит ансяк рана тунда ды позда сёксня. Коранть эржив пурнамс рана тунда, зярдо сон парсте, шождынэст лутневи. Почкатнень пурнамс пургондамодо икеле, зярдо сын сех пек буйкстыть целанек растениятнень, конатнень эйсь улит лекарственной веществат, кочкамс сынст цветямонь шкастонть.

Кодамо квесто ды кодак лекарственной растеният эржив пурнамс?

Майстэ: крушинань кора, пичень почкат, валерианонь, ланчаткань корёнт, глухой пиципалаксонь, аптечной ромашкань цветт, мать-мачехань лопат. Июньстэ: беленань лопат, василёконь, бузинань, якетер вараканьбалонь, аптечной ромашкань цветт, дурманонь, лекарственной донникань, чередань лопат. Июльстэ: пиципалаксонь лопат, спорыньянь рожкат, тминань видметь, пекшенъ цветт ды сеть растениятнень, конань эржив пурнамс июньстэ. Август-

сто: раужо бузинань ягодат, жень-шенень, ланчаткань, валерьянань корёт, тминань видметь, дурманонь лопат, черникань ягодат. Сентябрьсто ды октябрьсто: зирэнь ды валерьянань, ланчаткань ды одувачикнень корёт, глухой пиципалаксонь цветт.

Растениятнень костямо тевесэ стака, сон а тееви эстет пионертнэненъ ды школьниктнэненъ. Секс седе вадря ули кочказь тикшетнень, пеятнень, корётнэнь начксто-летькестэ максомс маласо аптекав или заготовительной конторав.

Эржив кочкамс лекарственной растеният тува, косо эйстэст пек аламо. Эржив васня кармамс содамо, косо улит ламо истят тикшеть, пеят. Заготовительной конторасто кевкстемс, кодак растеният кочксит районсонть, гербарной экземпляртнэнь ды живой растениянь табличатнень коряс ваномс, кодак неть растениятне, штобу седе паро улелель сынст истят содамс вешнемстэ ды кочкамсто. Лекарственной растениянь вешнемстэ (разведкань пингстэ) кочкамс гербарной экземплярт ды теэмс эйзэст этикеткат: растениянь лемезэ, зярдо ды косто кочказь, кие кочкиксь. Евтамс ламо или аламо вастневкшннэ истят растеният: аламо, вейте-вейте, ламо, пек ламо. Карта лангс тешкстамс тарканть, косо касыть лекарственной растеният.

Д. Григорьев,

Юной техниктнень ды натуралистнэнь республиканской станциянь агроном.



СНИМКАСОНТЬ: Саранской 12-це № средней школань учкомонь председателес комсомолецсь В. Леонтьев.

Фотось Б. Козловонь.

Ленинъ орденъ М. И. Калинин лемсэ 8-це № Государственной заводонть награждениясь

Якстере Армиянь ды Военно-Морской флотонть вооружениянь тевсэнь пек покш заслугатненъ кис, вооружениянь од образецтиэнь созданиянь ды производствонть освоениянь кис СССР-нь Верховной Советэнь Президиумось наградил Ленинъ орденъ М. И. Калинин лемсэ 8-це № Государственной заводонть Трудовой Якстере знамянь орденсэ.

(ТАСС).

Ленинъ орденъ М. И. Калинин лемсэ 8-це № Государственной заводонть роботниктненъ награждениясь

Якстере Армиянь ды Военно-Морской флотонть вооружениянь тевсэнь выдающейся заслугатненъ кис, вооружениянь од образецтиэнь созданиянь ды производствонть освоениянь кис СССР-нь Верховной Советэнь Президиумось наградил М. И. Калинин лемсэ 8-це № заводонть роботниктненъ группа.

Ленинъ орденсэ награжденной 4 ломать, Трудовой Якстере Знамянь орденсэ—10, Красная Звезда орденсэ—19, «Знак Почета» орденсэ—25, «За трудовую доблесть» медальсэ—24 ды «За трудовое отличие» медальсэ—16 ломань.

(ТАСС).

Будапештсэ международной ярмаркасонть советской павильонотъ успехензэ

Маень 11-це чистэ Будапештсэ международной ярмаркасонть советской павильонотъ таго пешкельсэ ломанде. Сонзэ эйс понгомо бажиятне апак лотксе ламолгалестъ. Предварительной даннойтненъ коряс ютазэ читненъ перть тесэ ульнестъ уш 800 тыщадом ламань. Пек мелсь тукшность весе экспонатне. Сехте покш мелъ явотестъ книгатне. Весень мелсь пек тусь Советнэнь Дворецэнь макетсэ. Пек ламом ломать пуромкшность «ИС» ды «ФД» локомотивтненъ моделест вакссо.

Маень 12-це чистэ Будапештсэ международной ярмаркась прядовсь. Меельсэ чистэнь советской павильонотъ вакссо очередсэ ульнестъ весе икелень стякочитнеде пек сесе покш.

(ТАСС).

Добровольной пожарной дружина

Гузынца велень неполной средней школань 6—7-це класснэсэ товнатниятне-комсомолетнэ ды пионертиэ организовастъ добровольной пожарной дружина.

Дружинась покш леске максни «2-я большевистская весна» колхозонъ пожарниктненень. Эйкаштне якситъ колхозниктненъ кудова, ванкшныть сынст каштомост, трубасть, бути косто муить кодаткак неисправностъ, теде ёвтивить колхозонъ пожарной дружинань старшееентень Балыков ялгантень.

Товнатниятне, пионертиэ покш мелсэ теить весе сень, мезе тест мери Балыков ялгасэ сень коряс, штобу велесэнь улевельть тевсэ ютавтозъ соответствующей противопожарной мероприятияне.

Эйкашонъ пожарной дружинасонть сехте парсте роботы Юртайкин ялгасэ.

П. Вельдякин.

Б.-Березниковской р-н.

ВЫСОКОШИРОТНОЙ ЭКСПЕДИЦИЯСЬ ВЕЛЯВТСЯ МОСКОВОВ ЦЕНТРАЛЬНОЙ АЭРОПОРТОНТЬ ПЕРЕЛЕТОНЬ УЧАСТНИКТНЕНЬ ВАСТОМАСЬ

Маень 11-це чистэ 5 часот 37 минутасто «СССР Н-169» самолётось кепедесэ Архангельской маласо ловиязэ аэродромтонть ды тусь Москов ёнов.

Чинь 12 частнэнь самолётось появасэ столицанть велкесэ. Экспедициянь отважной участниктненъ Московской аэропортсонть вастызь прославленной полярниктне, лётчиктне, арктической мореплавателитне, советской печатень пек ламом представительтне, ды истя жо родноест ды ялгасть. Вастыштыненъ ютксо—Папанин, Ширшов, Мазурук, Водопьянов ды лият.

Московской аэродромонть валгозэ, экспедициянь весе кемень участниктне валгить воздушной кораблянь лангсто. Полярниктненъ паро мелсэ приветствовать ды поздравляють заданиянь пар-

сте топавтоманзо марто, максыть сынест кемень букетт цецят.

Самолётонь командирэсь Черевичный ялгасэ эсензэ нурька речисэнзэ являвтсь:

— Косо бу аволь уле минек экспедициясь, минь свал маринек минек пек виев родинанть заботанзо, родной народонть мелензэ. Роботанть, конань минь топавтынек, машты ды анок топавтомс эрва советской ломанесэ, хоть кодамо патриотось. Свал ды эрва косо минек икеле ульнест Сталин ялганть вдохновляющей ды вечкевикс образозо. Минь свал аноктано топавтомс хоть кодамо задания, ков бу минек аволимизъ кучо родинась.

(ТАСС).

Ков иля варшта—неят рудаз

Зярдот ютат Гузынца велеса, весе кудотненъ икельде, улья куншкасто неят кучасо ды ёртнэсэ-сравтнэсэ навоз, рудаз, олгт. Кудотнесэяк ванькесихс а сатни.

Покш тев теить «Свобода» колхозонъ комсомолетнэ: ушодсэ эсь велесэнь, кудотнесэ культуранть, ванькесичинть кис борошнямо. Эрваволь бу учнемс, што те инициативанть подхватят Гузынца велень комсомолетнэяк.

Арась, истя сынэ эзь тее. Сынэ неить велесэнь, ульнятнэсэ захламлиностенть ды кодак не могут чарькодемс, што эрва велесэнь теес ванькесих, культура, порядок.

Велестэнь кизна костояк, вейкеяк кудо икельде а неят пиже таракке, пиже лопине. А касы косояк вейкеяк чувто.

М. Кручинкин.

Б.-Березниковской р-н.

Границанъ томбале

Европасо, Африкасо ды Азиясо войнась

(Маень 12-це чистэ военной действиятненъ дневник)

Германской информационной бюрось пачти, што маень 12-це чинь каршо вестэнь германской авиациясь бомбардировизе Южной ды Центральной Англиасо аэродромтненъ ды промышленной об'ектнэнь. Бомбардировкань кувалма теевст пек ламом пожарт. Святой Георгонь проливсэнь германской бомбардировщиктне бомбардировизе английской суднань кавто каравантнэнь, конат мольтсэ военной корабля марто. Ваявтозъ кавто пароходт ды вейге танкер, колмо лия пароходт колазъ.

Секе жо вестэнь английской авиациясь, Рейтер агентстванть сообщениязо коряс, теиьсэ налёт Гамбургонть ды Бременанть лангс. Пек ламом фугасной ды кирвастиця бомбат ульнест ёртозъ кавонест ошонь верфтнэнь лангс ды промышленной районтнэнь лангс.

Эгейской морясонть итальянской частне валгестъ Кея, Серифос, Сирос ды Миконос островтненъ лангс, прядызь теньсэ самай Кикладской островтненъ оккупациянь. Од налёт теиьсэ герман-

ской авиациясь Суэцкой каналонъ зоваять лангс.

Тобруконъ районсонть ды Соллумонть маласо тешкестневи артиллерийской леднема ды патрультнэнь действият.

Ассошиэйтед Пресс агентствася пачти, што иракской войскактне маень 10-це чистэ отбили Рутба фортонть лангс английской атаканть (масторонть запад ёнксонзо), кономольсэ 12 часонь перть, ды карматызэ англичантнэнь потамс запад ёнов. Английской сведениятнэнь коряс, маень 11-це чистэ валске Рутба фортонть саизэ английской войскактне.

Иракской командованиянь сообщениязонзо ёвтэзь, што фронтонь западной участкасонть англичантнэ понгестъ стага положениас Синельдебанонъ районсонть. Иракской артиллериясь успешнойсэ ледни неприятельской позициятнэнь.

Фронтонь южной участкасонть, Басрань районсонть, эзь теевсэ кодаткак лиякстемат.

(ТАСС).

Итальянской газетась Средиземной морясос английской вийтнеде

«Воце д'Италия» итальянской газетась печатася статья, конаньсэ невтневи, што ней Средиземной морясонть оперировить 4 английской линкорт, пек ламом стака ды чожда крейсертнэнь, авианосецтнэнь ды лия военной кораб-

лятнэнь апак лово. Средиземной моряс пачтызэ истя жо английской линкорсэ «Куин Элизабет». Газетасэ невити, што Англиясь аноксты ютавтомс Средиземной морясонть покш операцият.

(ТАСС).

„Санди таймсос“ Англиянь велкесэ германской операциятнеде

«Санди таймс» английской газетанть арсеманзо коряс, меельсэ недлянь перть германской авиациянь виевгадозь активностезэ корты седе, што немецкне ушодсэ од наступательной

операцият западсо. Можна истя жо арсемс, сёрмады газетасэ, што Англиясь германской вторжениянь угрозась таго кармась улеме реальнойс.

(ТАСС).



«Рыбинской морясос»

СНИМКАСОНТЬ: Лосесэ, кона эзь кенере туеме «Рыбинской морянь» ведтнесэ велетавикс таркастонть ды вансты эсь пранзо плот лангсо.

Фотось М. Королевонь.

Гессэнь емамо национал-социалистской партиянь руководстванть официальной сообщениязо

Германской информационной бюрось пачти национал-социалистской партиянь официальной сообщениязо, конаньсэ ёвтэзь, што Гесс, кона сень лангс апак вано, што сонензэ эзь меревкшне орманзо кувалт пилотировамс самолетт, маень 10-це чистэ 18 часот чокшнэ Аугсбургто лиятась самолетсо, кона лиятамостонть сон те шкас эзь велявто. Сообщениясонть ёвтэзь, што сёрмасэ, конань кадызе Гесс, «сонзэ связэнь а улеманть кувалма, корты умственной расстройствань признактнэнь улемадонть, мезес карматни пелеме, што Гесс лиссь превстэ». Гитлер приказася арестовамс Гессэнь адъютантнэнь. Гесс, ёвтэзь седе тов сообщениясонть, кода неяви, тапавсь.

(ТАСС).

Американской самолётнэ састь Ближней Востоков

Юнайтед Пресс агентствася пачти, што Ближней Востоков састь пек ламом американской бомбардировщикт ды истребительт. Американской техниктне анокстыть неть самолетнэнь максомс эксплуатацияс.

(ТАСС).

Английской даннойтне противникенъ флотонъ ёмавкстнеде

Английской морской министрствася пачти, што меельсэ омбоце пель ковтненъ перть Германиясь ды Италиясь ёмавтсэ весемезэ суднат 600 тыща регистровой брутто-тоннадо ламом тоннажсо. Весемезэ войнань шканть перть германской ды итальянской флотна ёмавкост, союзниктнэнь кедьс саезь ды ваявтозъ суднатнэнь ловозь, ды истя жо сеть суднатнэнь ловозь, конатненъ моря потмаксос нолдызэ эсест командатне, лововить 2.912 тыща регистровой брутто-тонна.

(ТАСС).

Ответ. редакторсь А. ЩЕГЛОВ.